

Zideneri bi partida

Ondorioz, taldearen antolakuntza erabat aldatuko duela adierazi du Aime Jacquetek

Nur Gorostiaga

BEZPERAKO PARTIDAREN euforia kolpe lehorrez eten zen atzoan selekzio frantziarrean, FIFAko diziplina batzordeak bi partidako debekua ezarri baitio Zinedine Zidane Frantziako izarrari; helegin ez daitekeen behin betiko erabakia da hori. Erdilariak ez du Danimarkaren aurkako partidari jokatu, ez eta ekainaren 28ko final-zortzirenetan ere.

«Zidanek egindako keinua barbaezina bada ere oso zigor astuna da», zioen atzo, burumakur, Aime Jacquet hautatzaileak. «Halako keinu batek partida bakarrek debekua besterik ez du merezi. Zidane kalitateko jokalaria da, denek gustukoa dugun bezalakoa. Berak keinu hori egin bazuen, lehenago arabiarrek bere kontra egin zutelako izan zen. Zidane bezalako jokalariek gehiago babestu beharko lituzke FIFAk, bera bezalako jokalarien jokoa haustera ateratzen diren jokalarien aurrean. Zidanek beti izan du jarrera ona, eta ez zuen halakorik merezi», esan zuen hautatzaile frantziarra.

Baina sentimenduak alde batera utzita, Frantziako selekzioaren antolaketa eta joko taktikoan zulo ederra da Zidaneren falta. Juventusko motoreak agerian utzi zuen bere kalitatea Hego Afrika eta Saudi Arabiaren aurkako partidetan, selekzioan ere taldearen eramaile nagusia dela agertarazteko. Zidane bera ere mindurik agertu zen atzo: «Ez nuen halakorik merezi. Nire keinua bat-batekoa da, erreakzio txar bat, baina inola ere min egiteko asmoarekin».

Nola bete orain Zidaneren hutsunea? Horixe zen atzo jarraitzaile, jokalarik, hedabide eta hautatzailearen kezka nagusia. «Inork ez dezake Zidane ordezkatu. Munduko Txapelketa hasi baino lehen argiki erran nuen Zidane ezohiko jokalaria dela. Zidane gabe, taldearen antolakuntza osoa aldatu beharko duela. Eta hala egin beharko dut, heldu den asteleheneko entrenamendutik hasita», adierazi zuen Jacquetek berria jakin ondoren gozalekin, ahots lodiz. «Egoera astuna da denontzat, eta denok konfiantza atxiki behar dugu, bera gabe aitzina egin dezakegula gure buruari segurtatzeko», gehitu zuen.

Erdilari lanetan aritzeko Djorkaeff edo Piresek izan ditzakete aukerarik nabarmenenak. Djorkaeffek, bereziki, banatzaile lanetan lan egin izan baitu Monaco eta PSGn. Bestenaz, Didier Deschamps bera ere aitzinago



Zinedine Zidane eta Aime Jacquet, herenegun jokatutako partiduan, jokalaritari txartel gorria ateratu ondoren.

Zinedine Zidane: «Ez nuen halakorik merezi. Nire jestua bat-batekoa da, erreakzio txar bat, baina inolaz ere min egiteko asmoarekin»

ezartzea litzateke bertze aterabide bat.

Joao Havelange FIFA erakundeko lehendakari ohiak Zidanek zigor ttipia jasoko zuela aurreratu baldin bazuen ere, FIFAren diziplina batzordeak, beraz, koherentzia atxiki du bere erabakian. Patrick Kluyvert jokalaria holandarrari ere bi partidako

zigorra ezarria zion, gisa bereko jokaldi oker bategatik.

© Hala ere pozik

Zidaneren kanporatzea «kolpe gogor» bezala definitu bazuen ere, Jacquetek taldearekin izugarri pozik dagoela azpimarratu nahi izan zuen. «Bi urteko lan luzeak bere fruituak eman ditu,

gazteak eta esperientziakoak elkarrekin ezin hobeto ari baitira. Bi urtez futbolaren eta kirolaren etsai izan diren hedabideengatik jasan ditugun kritikak isildu dira, eta publikoak gurekin bat egin du», adierazi zuen hautatzaileak. Izan ere Henry-Thuram alde batetik eta Diomedes Lizazu beste albotik, eta Blanc, Deschamps eta Zidane osaturiko bizkarezurrak goraipamenak besterik ez ditu jaso partidaren ostean.

Final-zortzirenetara sailkatutik baldin badaude ere, «Danimarka garaitzera» aterako direla nabarmendu zuen fermuki Aime Jacquetek.

baina Ferreten diagnostikoaren arabera, final-zortzirenetarako ez da egonen sasoi berran.

Zaurituz gain, Danimarkaren aurkako partidari txartelekin arretaz ibili beharko dute urdinek. Lizazu, Deschamps, Blanc eta Petitek txartel horria dute dagoeneko, eta bigarren txartela jasoko balute, ez lirateke ariko final-zortzirenetan. Hori, jada, oso kezagarria litzateke Aime Jacquetentzat.

■ Txartel bakarrekoko garbi pasatuko dira hurrengo fasera

Mundialeko lehen hiru partiduetan txartel hori bakarrekoin amaitzen duten jokalariek garbi pasatuko dira final-zortzirenetara. Ez da gauza bera gertatuko txartel bat baino gehiago ateratu dietenekin, edota partidari bat edo gehiagoko zigorrari jaso dutenekin.

■ Matthausek ez du oparirik nahi

Lothar Matthaus errekor berri bat ezar dezake Frantziari jokatzeko badi. Mundialeko jokaturiko partiduen errekorra gain, jarraian bost Mundial jokatzeko dituen lehena izan daiteke. Baina Matthausek ez du oparirik nahi: «Nire helburua ez da markak lortzea. Ez dut oparirik nahi, eta jokatzeko badut eginiko lanagatik izatea nahi dut».

■ Asprilla Kolonbian da jadanik

Faustino Asprilla barkamena eskatu zion Hernan Dario Gomez hautatzaileari, baina horrek ez ditu aurrelaria etxera bidaltzeko erabakia aldatu. Asprilla jendaurrean irakurri zuen gutunean, esandakoaz damututa zegoela adierazi zuen, eta selekzioari itzuli nahi zuela, hautatzaileak hala nahi izanez gero.

■ Milutinovicek ukatu egin du Kolonbia entrenatutako duela

Bora Milutinovic Nigeriako entrenatzaileak ukatu egin du Kolonbiako hurrengo entrenatzaile izango dela. «Hori jendeak esaten dituen kontuak baino ez dira. Ni Nigeriako hautatzaile naiz, eta une honetan Mundiala baino ez dut buruan. Gainera, Hernan Dario Gomez laguna naiz, eta errespetu falta bat iruditzen zait horrelako gauzak esatea».

■ Argentinako jokalariek haserre komunikabideekin

Argentinako jokalariek haserre agertu dira komunikabideekin. Jokalariek prentsaurreko bat eman zuten azken asteotan azaldu diren zenbait informazio gezurtatzeko. Euren ustez, «prentsa gauzak asmatzen ari da, eta horrek kalte handia egiten dio taldeari».

■ Parreira traidoretzat jo zuen telebistako esatariak

Frantzia eta Saudi Arabia arteko partidari herri hartako telebista bateko esatariak esan zuen Parreira beldurtia eta traidorea zela. «Saudi Arabiako selekzioari traizioa egin dio Parreirak. Txapelketa irabazi zuen Estatu Batuetan, baina gure selekzioari ez dio mesederik egin», esan zuen.

Guivarc'h eta Trezeguet aurrelariak osaturik

● Frantziako selekzioak talde trinkoa agertu badu ere, ez du zorte handirik izan aurrelarietan. Guivarc'h lehen partidari zauritu zen, eta Trezeguet lehen partidaren ondoren jokatzen zuten lagunarteko partidari. Ostegun arratsean, berriz, Dugarry zaintiratu izan zuen iztar gibelean. Erakutsitako futbol

maila ikusita, bizkarezur sendoak ez du buru azkarrik behar, baina hala ere final-zortzirenetarako burua ere sendo beharko du Frantziak.

Christian Guivarc'h talde osoarekin entrenatu zen atzo, eta Ferret taldeko medikuen arabera sasoi berran egonen da final-zortzirenetarako, «uste

baino azkarrago» sendatu omen delako. David Trezeguet gazteari dagokionez, Saudi Arabiaren aurka aritu ondoan taldearekin ibili zen atzo goizean, nahiz eta oraino orkatila hanpatzen zailon. Azkenik, Christophe Dugarry da duda aurrelarien artean. Dugarryren zaintiratu izan da uste bezain larria,